

Na osnovu člana 36a. stav (4) Zakona o policijskim službenicima Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 4/14 i 2/18), na prijedlog policijskog komesara, ministar Ministarstva unutrašnjih poslova Zeničko-dobojskog kantona uz konsultaciju sa Ministarstvom zdravstva Zeničko-dobojskog kantona d o n o s i:

## **PRAVILNIK**

### **O ZDRAVSTVENIM PREGLEDIMA POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA ZENIČKO-DOBOJSKOG KANTONA**

#### **DIO PRVI - OPĆE ODREDBE**

##### Član 1. (Predmet)

Ovim Pravilnikom uređuju se kriteriji i način utvrđivanja zdravstvene sposobnosti policijskih službenika u Upravi policije Ministarstva unutrašnjih poslova Zeničko-dobojskog kantona ( u daljnjem tekstu: policijski službenici Uprave policije ) i kandidata koji se upućuju na ljeakarski pregled iz člana 52. stav (1) Zakona o policijskim službenicima Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 4/14 i 2/18) (u daljnjem tekstu: kandidati za prijem u Upravu policije), kao i druga pitanja koja se odnose na zdravstveni pregled policijskih službenika.

##### Član 2. (Ovlaštena zdravstvena ustanova)

Provjera i utvrđivanje opće i posebne zdravstvene sposobnosti policijskih službenika i kandidata za prijem u Upravu policije se obavlja u odgovarajućoj zdravstvenoj ustanovi specifične zdravstvene zaštite/medicine rada koju Uprava policije odabere i sa kojom zaključi ugovor u skladu sa važećim propisima (u daljnjem tekstu: ovlaštena zdravstvena ustanova).

#### **DIO DRUGI - VRSTE ZDRAVSTVENIH PREGLEDA, KRITERIJI ZDRAVSTVENE SPOSOBNOSTI I DRUGA PITANJA KOJA SE ODOSE NA ZDRAVSTVENI PREGLED POLICIJSKIH SLUŽBENIKA I KANDIDATA ZA PRIJEM U UPRAVU POLICIJE**

##### Član 3. (Vrste zdravstvenih pregleda)

- (1) Vrste zdravstvenih pregleda su redovni, prethodni i vanredni.
- (2) Redovni zdravstveni pregledi se obavljaju periodično i to:
  - a) za sve policijske službenike izuzev policijskih službenika iz tačke b) ovog člana - svake dvije godine,
  - b) za policijske službenike raspoređene u Specijalnu policijsku jedinicu - svake godine,
- (3) Prethodni zdravstveni pregled se obavlja za kandidate za prijem u Upravu policije.
- (4) Vanredni zdravstveni pregled se obavlja u izuzetnim slučajevima na obrazložen prijedlog rukovodioca organizacione jedinice, a odluku o upućivanju policijskog službenika na vanredni zdravstveni pregled donosi policijski komesar.

#### Član 4.

##### (Način utvrđivanja zdravstvene sposobnosti)

- (1) Policijski službenik je dužan da se podvrgne zdravstvenom pregledu iz člana 3. ovog Pravilnika koje organizuje Uprava policije u cilju utvrđivanja opće i posebne zdravstvene sposobnosti za obavljanje poslova i zadataka policijskih službenika.
- (2) Opća zdravstvena sposobnost podrazumijeva sposobnost koja omogućava nesmetano obavljanje poslova i zadataka bilo kojeg radnog mjesta i utvrđuje se kao načelna.
- (3) Posebna zdravstvena sposobnost podrazumijeva sposobnost vezanu za specifične poslove i zadatke policijskog službenika i podrazumijeva posebne specijalističke preglede.
- (4) Zdravstvena sposobnost policijskih službenika na zdravstvenom pregledu iz stava (1) član 3. ovog Pravilnika utvrđuje se na osnovu mjerila za utvrđivanje zdravstvene sposobnosti iz člana 6. ovog Pravilnika.
- (5) Lista bolesti, povreda, tjelesnih mana i zdravstvenih stanja koje čine smetnju-kontraindikaciju za obavljanje poslova policijskih službenika, nalazi se u prilogu ovog Pravilnika i čini njegov sastavni dio (Prilog broj 1.).
- (6) Opću i posebnu zdravstvenu sposobnost iz stava (2) i (3) ovog člana utvrđuje ovlaštena zdravstvena ustanova iz člana 2. ovog Pravilnika.

#### Član 5.

##### (Upućivanje na zdravstvene preglede i vođenje evidencija)

- (1) Policijske službenike na zdravstvene preglede upućuje policijski komesar putem Odsjeka za kadrovske poslove u Upravi policije u saradnji sa organizacionim jedinicama u kojima su raspoređeni policijski službenici.
- (2) Nadležna organizaciona jedinica za kadrovske poslove u Upravi policije poduzima sve potrebne organizacione pripreme koje se odnose na dinamiku upućivanja na zdravstvene preglede, te vodi evidencije o obavljenim zdravstvenim pregledima.

#### Član 6.

##### (Mjerila za utvrđivanje zdravstvene sposobnosti)

- (1) Zdravstvena sposobnost za policijske službenike i kandidate za prijem u Upravu policije koja je uslov za obavljanje poslova policijskih službenika, utvrđuje se na osnovu zdravstvenog pregleda koji obuhvata:
  - obavezan uvid u zdravstveni karton porodične medicine ili izvještaj porodičnog ljekara o zdravstvenom stanju, ranijem liječenju i medicinskoj dokumentaciji;
  - standardne laboratorijske pretrage: SE, KKS, ŠUK, urin, urea, kreatinin, holesterol, trigliceridi, transaminaze, bilirubin u krvi; testovi na droge;
  - RTG pluća, spirometrija sa očitanjem i mišljenjem specijaliste pneumoftziologa;
  - pregled oftamologa sa Meztotestom i Anomaloskopom i mišljenje;
  - ginekološki pregled ( za žene) sa Papa testom i TVUZ i mišljenje;
  - neuropsihijatrijski pregled i mišljenje;
  - psihološko testiranje, mišljenje psihologa i prijedlog ocjene sposobnosti;
  - ORL pregled sa očitanjem ADG-a i VTG-a i mišljenje;
  - pregled interniste sa očitanjem EKG-a i mišljenje (pregled kardiologa i UZ srca prema indikacijama i mišljenje);
  - ultra zvuk (UZ) abdomena i mišljenje radiologa;

- pregled stomatologa i mišljenje;
  - pregled RTG L/S kičme sa očitanjem i mišljenjem radiologa (za kadete);
  - pregled i ocjena radne sposobnosti specijaliste medicine rada sa zaključnim mišljenjem;
  - izvještaj o izvršenim periodičnim i redovnim pregledima.
- (4) U zavisnosti o indikacijama, osim pregleda navedenih u stavu (1) ovog člana, ovlaštena zdravstvena ustanova može konsultovati i druge doktore medicine određene specijalnosti.
- (5) Zdravstvena sposobnost kandidata za prijem u Upravu policije utvrđuje se na zdravstvenom pregledu na osnovu mjerila iz stava (1) ovog člana i liste bolesti iz Priloga 1. ovog Pravilnika.
- (6) Zdravstvena sposobnost policijskih službenika na redovnom i vanrednom zdravstvenom pregledu utvrđuje se na osnovu mjerila iz stava (1) ovog člana prilagođenim prirodnom opadanju pojedinih funkcija u skladu sa životnom dobi policijskih službenika.
- (7) Prije početka zdravstvenog pregleda policijski službenici odnosno kandidati za prijem u Upravu policije su dužni priložiti potvrdu ili izvještaj svog porodičnog ljekara (uvid u zdravstveni karton) na kojem će se konstatovati zdravstveno stanje o ranijem liječenju, na obrascu koji je sastavni dio ovog Pravilnika (Prilog br.2.).

#### Član 7.

(Ocjena zdravstvene sposobnosti policijskih službenika)

- (1) Zdravstvena sposobnost policijskog službenika Uprave policije, na osnovu obrade koju je obavila, ovlaštena zdravstvena ustanova utvrđuje ocjenom:
- a) sposoban za obavljanje poslova policijskog službenika,
  - b) privremeno nesposoban za obavljanje poslova policijskog službenika (potrebno dodatno liječenje i ocjena nakon završenog liječenja).
  - c) nesposoban za obavljanje poslova policijskog službenika (uputiti na ocjenu invalidskoj komisiji).
- (2) Izvještaj i ocjena iz stava (1) se sačinjava na obrascu, koji je sastavni dio ovog Pravilnika (Prilog br. 3), najkasnije u roku od 15 (petnaest) dana od dana završetka zdravstvenog pregleda.
- (3) Izuzetno, zbog nemogućnosti donošenja ocjene zdravstvene sposobnosti policijskog službenika, u roku predviđenom u stavu (2) ovog člana, ovlaštena zdravstvena ustanova iz člana 2. ovog Pravilnika, može prekinuti postupak donošenja ocjene zdravstvene sposobnosti do okončanja potrebnih dodatnih medicinskih dijagnostičkih procedura, a najkasnije u roku od 8 (osam) dana.
- (4) Izvještaj i ocjena zdravstvene sposobnosti za policijske službenike Uprave policije ovlaštena zdravstvena ustanova dostavlja Upravi policije putem pošte.
- (5) Ocjena zdravstvene sposobnosti za policijske službenike Uprave policije je konačna.
- (6) Ovlaštena zdravstvena ustanova je dužna čuvati dokumentaciju pregledanih policijskih službenika u skladu sa važećim propisima.

#### Član 8.

(Ocjena zdravstvene sposobnosti kandidata za prijem u Upravu policije)

- (1) Zdravstvenu sposobnost kandidata za prijem u Upravu policije, na osnovu obrade koju je obavila, ovlaštena zdravstvena ustanova utvrđuje ocjenom:
- a) sposoban za obavljanje poslova policijskog službenika i
  - b) nesposoban za obavljanje poslova policijskog službenika.

- (2) Ovlaštena zdravstvena ustanova, nalaz, ocjenu i mišljenje u vezi zdravstvene sposobnosti kandidata za prijem u Upravu policije donosi najkasnije u roku od 8 (osam) dana od dana završetka zdravstvenog pregleda u formi uvjerenja o zdravstvenoj sposobnosti kandidata za prijem u Upravu policije koje je sastavni dio ovog Pravilnika (Prilog broj 4.).
- (3) Izuzetno, zbog nemogućnosti donošenja ocjene zdravstvene sposobnosti kandidata za prijem u Upravu policije u roku predviđenom u stavu (2) ovog člana, ovlaštena zdravstvena ustanova iz člana 2. ovog Pravilnika, može prekinuti postupak donošenja ocjene zdravstvene sposobnosti do okončanja potrebnih dodatnih medicinskih dijagnostičkih procedura, a najkasnije u roku od 8 (osam) dana.
- (4) Uvjerenje o zdravstvenoj sposobnosti za kandidate za prijem u Upravu policije dostavlja se Komisiji za izbor Uprave policije putem pošte.
- (5) Ovlaštena zdravstvena ustanova je dužna čuvati dokumentaciju pregledanih kandidata u skladu sa važećim propisima.

#### Član 9.

(Postupak po prigovoru kandidata za prijem u Upravu policije)

- (1) Kandidati za prijem u Upravu policije kojima je zdravstvena sposobnost utvrđena ocjenom "nesposoban za obavljanje poslova policijskog službenika", imaju pravo izjaviti prigovor na ocjenu zdravstvene sposobnosti
- (2) U slučaju iz stava (1) ovog člana, kandidat za prijem u Upravu policije prigovor podnosi ovlaštenoj zdravstvenoj ustanovi putem Komisije za izbor Uprave policije.
- (3) Prigovor se podnosi u roku od tri dana od dana prijema obavještenja kandidata o njegovoj zdravstvenoj sposobnosti od strane Komisije za izbor.
- (4) Ovlaštena zdravstvena ustanova u slučaju iz stava (2) ovog člana, imenuje Komisiju za rješavanje po prigovoru koja se sastoji od tri člana (predsjednik i dva člana).
- (5) U Komisiji za rješavanje po prigovoru iz stava (4) ovog člana ne mogu biti imenovani ljekari koji su učestvovali u ocjeni zdravstvene sposobnosti kandidata za prijem u Upravu policije.
- (6) Komisija iz stava (4) ovog člana donosi ocjenu zdravstvene sposobnosti iz člana 8. stav (2) ovog Pravilnika u roku od 8 (osam) dana od dana zaprimanja prigovora.
- (7) Na osnovu ocjene iz stava (6) ovog člana, Komisija izdaje ocjenu/uvjerenje o zdravstvenoj sposobnosti kandidata za prijem u Upravu policije na obrascu koji je sastavni dio ovog Pravilnika (Prilog br. 5).
- (8) Ocjena, odnosno uvjerenje drugostepene komisije iz stava (7) ovog člana je konačno i isto se dostavlja Komisiji za izbor Uprave policije putem ovlaštene zdravstvene ustanove.

#### Član 10.

(Vanredni zdravstveni pregled)

Na obrazložen prijedlog rukovodioca organizacione jedinice, policijski komesar može policijskog službenika uputiti na vanredni zdravstveni pregled, u izuzetnim slučajevima, kao što su: privremena spriječenost za rad uzrokovana duševnim poremećajima, povreda ili oboljenja koja mogu dovesti do funkcionalnog oštećenja, sumnja na zloupotrebu i neopravdanu privremenu spriječenost za rad zbog bolesti ili povrede, učestale žalbe na rad policijskog službenika, rasporedi u Specijalnu policijsku jedinicu i drugi slučajevi koji moraju biti obrazloženi.

Član 11.

(Postupak policijskog službenika nakon ocjene zdravstvene sposobnosti)

- (1) Ako je policijski službenik Uprave policije ocijenjen ocjenom "nesposoban za obavljanje poslova policijskog službenika", obavezan je podnijeti zahtjev za pokretanje postupka ocjene radne sposobnosti u skladu sa propisima iz oblasti penzijsko-invalidskog osiguranja.

Član 12.

(Troškovi)

- (1) Sredstva za troškove provjere zdravstvene sposobnosti iz člana 3. stav (2) i (4) obezbjeđuju se sa budžetske pozicije Uprave policije.
- (2) Troškove provjere zdravstvene sposobnosti iz člana 3. stav (3), kao i troškove postupka po prigovoru kandidata za prijem u Upravu policije, snosi kandidat.

Član 13.

(Ravnopravnost spolova)

Gramatička terminologija u ovom Pravilniku podrazumjeva uključivanje oba spola.

**DIO TREĆI - PRIJELAZNE I ZAVRŠNE ODREDBE**

Član 14.

(Prestanak primjene važećeg propisa)

Ovim pravilnikom stavlja se van snage Pravilnik o zdravstvenim pregledima policijskih službenika Ministarstva unutrašnjih poslova Zeničko-dobojskog kantona ("Službene novine Zeničko-dobojskog kantona", broj: 2/14).

Član 15.

(Stupanje na snagu)

Ovaj Pravilnik stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: \_\_\_\_\_/23.

Datum: \_\_\_\_ . \_\_\_\_ . 2023. god

MINISTAR

Benjamin Sinanović

## PRILOG BR.1

### LISTA BOLESTI, POVREDA I DRUGIH ZDRAVSTVENIH STANJA KOJE ČINE SMETNJU ZA OBAVLJANJE POSLOVA POLICIJSKIH SLUŽBENIKA

Kategorije policijskih službenika Uprave policije Ministarstva unutrašnjih poslova Zeničko-dobojskog kantona s obzirom na pretpostvaljene psihofizičke zahtjeve.

#### LEGENDA:

A- kandidati za prijem na poslove policijskog službenika u Upravu policije-kadeti

B- policijski službenici raspoređeni u Specijalnu policijsku jedinicu

C- periodični zdravstveni pregledi policijskih službenika

Oznaka (-) predstavlja kontraindikaciju za obavljanje date kategorije poslova

Oznaka (+) označava mogućnost obavljanja određenih poslova uprkos medicinskoj indikaciji (osim kod kriterija psiholoških analiza)

Oznaka (\*) u zavisnosti od radnog mjesta, izuzev kategorije "A".

Tjelesni status	A	B	C
-----------------	---	---	---

1.	Izražena astenična ili adipozna konstitucija	-	-	+
2.	Minimalna visina muškarci 172 cm, žene 162 cm	-	*	+
3.	Minimalna težina muškarci +10 i 10 kg u odnosu na visinu, žene +10 i -15 kg u odnosu na visinu	-	-	+

### Tačka 1.

Oftalmologija		A	B	C
1.	Afakija i luksacija leće na jednom ili oba oka sa korisnim vidom preko 0.5	-	-	-
2.	Pseudophakia jednog ili oba oka	-	-	*
3.	Ambliopija, amauroza i anophtalamus	-	-	-
4.	Anomalije osjeta na boje (protoanomalija manja od 0,5 i douteroanomalija viša od 1,3 anomaloskopskih vrijednosti) AQ 0,7-1,4	-	-	-
5.	Bolesti mrežnice-retine (bez obzira na etiologiju) sa funkcionalnim poremećajima	-	-	-
6.	Bolesti vidnog živca (bez obzira na etiologiju)	-	-	-
7.	Duboke upale rožnice, zamućenja rožnice, zamućenja i veće ozbiljne promjene na rožnici, keratokonus	-	-	-
8.	Glaukom dekompenzovani i kompenzovani (angularni i simpex, dijagnosticiran OCT om i vidnim poljem	-	-	-
9.	Hronične alergijske bolesti (i gnojne) upale spojnice (konjunktive)	-	-	-
10.	Cataracta i druga zamućenja leće koja utiču na funkcionalnu sposobnost vida	-	-	-
11.	Strabizam paralitički i neparalitički (divergentni, konvergentni, alterirajući), heteroforije sa defektnim binokularnim vidom	-	-	-
12.	Refrakcijske anomalije, kratkovidnost veća od 4 dioptrije, dalekovidnost veća od 6 dioptrija, prosti ili mješoviti astigmatizam veći od 4.5 dioptrija, anizotropije veće od 6 dioptrija ( u donošenju ocjeneimati u vidu funkciju organa vida-vidnu oštrinu, vidno polje, prilagodbu na tamu i dr.), objektivno stanje vida, promjene u prividnim medijima i očnom dnu	-	-	-
13.	Refrakcijske anomalije (minimalan visus jednog oka bez korekcije 1; drugog oka bez korekcije 0,7; minimalan visus sa korekcijom na oba oka 1,0)	-	-	*
14.	Refrakcijske anomalije (sa korekcijom na jednom oku visus 1; na drugom sa korekcijom minimum visus 0,7)	-	-	-
15.	Stanje nakon ozljeda, operativnih zahvata ili drugih anomalija koje uzrokuju funkcionalna ili estetska oštećenja	-	-	-
16.	Upale šarenice (irisa i uvee) sa trajnim oštećenjem vida	-	-	-
17.	Adaptatio visus nocturna defecta. Defekt prilagodbe vida na tamu (niktometrija-Messo test)	-	-	-
18.	Lagophtalamus (nepotpuno zatvaranje kapka oka), proze (djelomične i potpune na jednom ili oba oka koje uzrokuje funkcionalno i estetsko oštećenje oka), egzofthalmus, ožiljci conjunctivae koji remete funkcionalnost i narušavaju estetiku oka	-	-	-
19.	Nistagmusi	-	-	-

### Tačka 2.

Disajni/respiratorni sistem		A	B	C
1.	TBC pluća-aktivna	-	-	-
2.	TBC pluća-inaktivna, bez funkcionalnih posljedica	-	-	+
3.	Aktivna TBC drugih organa	-	-	-
4.	Astma	-	-	*
5.	Respiratorna insuficijencija-bez obzira na etiologiju	-	-	-

### Tačka 3.

<b>Kardiovaskularni sistem</b>		<b>A</b>	<b>B</b>	<b>C</b>
1.	Blaga oscilatorna hipertenzija (bez medikamentozne terapije)	-	-	+
2.	Hemoroidalna bolest težeg stepena	-	-	*
3.	Izraziti varikoziteti donjih ekstremiteta sa znacima insuficijencije perifernih vena, postfelbički sindrom	-	-	*
4.	Izražena hipotonija sa prisutnim smetnjama	-	-	-
5.	Koronarna bolest i ishemična stanja-akutna ili preboljela, nakon sprovedene kompletne kardiološke obrade (* bez poremećaja funkcije)	-	-	*
6.	Manifestna arterijska hipertenzija (HTA)	-	-	*
7.	Ostala hronična oboljenja srčanih struktura kao i miokarda, bolesti valvularnog aparata i drugih struktura srca, organski srčani šum	-	-	-
8.	Periferna arterijska insuficijencija ekstremiteta	-	-	*
9.	Poremećaji ritma srca i smetnje provođenja, koja mogu dovesti do sinkope, nakon sprovedene kompletne neinvazivne kardiološke obrade	-	-	*
10.	Recidivirajući tromboflebitis, trombofleboza	-	-	-
11.	Reumatska groznica sa ili bez oštećenja srca	-	-	-
12.	Reumatsko oboljenje srca-hronično	-	-	-
13.	Sve prirodene i stečene mane kardiovaskularnog sistema	-	-	-
14.	Sve vaskularne anomalije koje svojom veličinom i lokalizacijom ograničavaju punu fizičku aktivnost	-	-	*
15.	Varikoziteti donjih ekstremiteta bez izraženih varikoznih čvorića	-	-	+
16.	Stanja nakon operativnih zahvata, urođenih ili stečenih srčanih mana, operativni zahvati na koronarnim krvnim sudovima, sa povoljnim terapijskim ishodom, bez težeg funkcionalnog oštećenja	-	-	*

#### **Tačka 4.**

<b>Krv-nalazi krvi i krvotornih organa</b>		<b>A</b>	<b>B</b>	<b>C</b>
1.	Anemije-izrazite i dugotrajne	-	-	*
2.	Anemije-kongenitalne	-	-	-
3.	HIV-pozitivan nalaz seruma	-	-	-
4.	Ostala verificirana hemopoetska oboljenja i bolesti koagulacije	-	-	-
5.	Stanja nakon splenektomije	-	-	*

#### **Tačka 5.**

<b>Gastrointestinalni sistem</b>		<b>A</b>	<b>B</b>	<b>C</b>
1.	Analna fisura hronična i prolapsi anorektuma	-	-	*
2.	Analne i perianalne fistule	-	-	+
3.	Bilijarna kalkuloza, opstrukcija žučnih vodova, * stanje nakon holecistektomije bez funkcionalnih posljedica	-	-	*
4.	Ciroza jetre sa portalnom hipertenzijom	-	-	-
5.	Ciste jetre, kronične upale jetre i gušterače	-	-	*
6.	Ciste pankreasa	-	-	+
7.	Ezofagitis, refleksni ezofagitis sa smetnjama, proročka bolest želuca i duodenuma, nakon sprovedene EGDS	-	-	*
8.	Hemohromatoza; Vilsonova bolest	-	-	-



9.	Hepatitis B i C, hronični aktivni	-	-	-
10.	Hepatitis druge etiologije, hronični aktivni	-	-	-
11.	Hernije (sve vrste vanjskih hernija)	-	-	*
12.	Hiatus hernija (klizna, manja)	-	-	*
13.	Malpsorpcioni sindrom, sprue	-	-	-
14.	Pankreatitis, akutni ili hronični	-	-	-
15.	Peptički ulkus želudca ili dvanaesterca-aktivni	-	-	+
16.	Stanje nakon biliodigestivnih anastomoza	-	-	+
17.	Stanje nakon resekcije želudca	-	-	+
18.	Sva stanja nakon hirurških zahvata koja smanjuju funkcionalnu sposobnost organizma	-	-	*
19.	Upale i opstrukcije žučnih puteva	-	-	+
20.	Upalne bolesti tankog ili debelog crijeva (Colitis ulcerosa i M. Chron)	-	-	*
21.	Varikoziteti donje trećine jednjaka	-	-	*

### **Tačka 6.**

<b>Endokrinologija i metabolizam</b>		<b>A</b>	<b>B</b>	<b>C</b>
1.	Diabetes mellitus, inzulin neovisan, bez komplikacija	-	-	+
2.	Diabetes mellitus, inzulin ovisan, bez komplikacija	-	-	*
3.	Diabetes mellitus, inzulin ovisan, sa komplikacijama	-	-	-
4.	Giht i ekvivalenti, klinički potvrđena dijagnoza	-	-	+
5.	Hiper i hipo funkcija štitnjače i hipofize, nadbubrežne i spolnih žlijezda	-	-	*
6.	Sve bolesti u vezi sa disfunkcijom suprarenalnog sistema i spolnih organa	-	-	*

### **Tačka 7.**

<b>Stomatologija</b>		<b>A</b>	<b>B</b>	<b>C</b>
1.	Defektno-manjkavo zubalo sa gubitkom od 5 zuba u nizu ili ukupno 10 zuba, kariozno zubalo sa predvidivim gubitkom	-	-	+
2.	Dentolacijalne anomalije sa estetskim i/ili funkcionalnim oštećenjem	-	-	+
3.	Gingivitis -hronični, paradentoze težeg stepena	-	-	+
4.	Gubitak (nenadomješten) prednjih zuba gornje ili donje vilice sa očitim estetskim defektom	-	+	+
5.	Sanirano zubalo-totalna ili parcijalna proteza	-	+	+
6.	Ostale bolesti i stanja koje imaju funkcionalno oštećenje	-	-	-

### **Tačka 8.**

<b>Dermatologija</b>		<b>A</b>	<b>B</b>	<b>C</b>
1.	Diseboreja, jako izražena, osobito lica (kozmetički) ili leđa koja se teško liječi	-	-	*
2.	Hronična upalna oboljenja kože i hronična furunkuloza, alergijske i gnojne bolesti kože, ekcemi, pilonidalna cista	-	-	*
3.	Piodermije (sve) i teža hronična gljivična oboljenja	-	-	-
4.	Psorijaza (generalizirana, pustulozna); ekcemi težeg i zglobnog oblika	-	-	-
5.	Sklerodermija, ihtioza	-	-	-

6.	Tetovaže: na vidljivim mjestima koje ne prikriva policijska uniforma koja se nosi u ljetnom periodu	-	-	-
7.	Veće pigmentacije, depigmentacije, izrasline i brazgotine na uočljivim mjestima	-	-	*

### Tačka 9.

Otorinolaringologija		A	B	C
1.	Afekcije labirinta	-	-	-
2.	Blaži poremećaji i smetnje govora	-	-	*
3.	Hronične alergijske i gnojne upale nosa	-	-	+
4.	Hronične upale srednjeg uha sa perforacijom ili bez nje, mastoiditisi	-	-	+
5.	Hronični gnojni sinusitisi	-	-	+
6.	Hronični laringitis (bez obzira na etiologiju) i polipoze	-	-	+
7.	Laringo-faringijska ezofagijska suženja (bez obzira na etiologiju), sa funkcionalnim poremećajima i tegobama	-	-	-
8.	Ozona	-	-	+
9.	Paraliza mekog nepca	-	-	-
10.	Patološka stanja štitnjače	-	-	+
11.	Polipoza nosnih šupljina, veće devijacije septuma i veće hipertrofije konha (sa funkcionalnim poremećajima)	-	-	+
12.	Stanja poslije trauma, operativnih zahvata ili druge anomalije koje uzrokuju funkcionalne ili estetske defekte	-	-	+
13.	Teške i hronične angine ili jače hipertrofije tonzila-do eventualne sanacije	-	-	+
14.	Teže hronične upale ždrijela	-	-	+
15.	Teži poremećaji i smetnje govora	-	-	-
16.	Skotomi u sluhu na jednom ili na oba uha (više od 40dB kroz čitavu frekvenciju) i ostale percepcijske ili kondiktivne naglušosti	-	-	*
17.	Gubitak sluha na jednom uhu (više od 50dB kroz čitavu frekvenciju), ostale percepcijske ili kondiktivne naglušosti	-	-	*
18.	Gubitak sluha na oba uha (više od 50dB kroz čitavu frekvenciju), percepcijska ili kondiktivna gluhoća (* korekcija uz slušni aparat/amplifikator	-	-	*

### Tačka 10.

Ortopedija		A	B	C
1.	Degenerativna oboljenja i.v. sa RTG utvrđenim promjenama (bez izraženih funkcionalnih smetnji)	-	-	+
2.	Hallux valgus - izražen	-	-	+
3.	Kifoze skolioze srednje teške ili fiksirane, dorzopatije koje oštećuju funkciju	-	-	*
4.	Lordoze lakšeg stepena	-	-	+
5.	Nedostatak jednog ili dva prsta na nozi uz smetnju funkcije stopala	-	-	*
6.	Nedostatak kažiprsta jedne ruke	-	-	-
7.	Nedostatak palca jedne ruke ili noge	-	-	-
8.	Ozljeda meniskusa koljena i operativno odstranjen meniskus uz nestabilnost koljena (* stanja nakon artroskopije, bez poremećaja funkcije, kretnje u zglobovima)	-	-	*
9.	Pedes plani, pedes transversoplani (IV stepen), kad otežavaju hod ili su rigidna stopala	-	-	-
10.	Prelazni pršljen sa mikrodiskom i artikulacijom jednog ili oba poprečna nastavka	-	-	-
11.	Ruptura ligamenata koljena i ostalih zglobova donjih ekstremiteta, te ramena	-	-	*
12.	Skolioza lakšeg stepena (do 25°)	-	-	+

13.	Sponidolisteza vera prvog stepena	-	-	-
14.	Urođene ili stečene deformacije prsnog koša: pectus carinatum, pectus excavatum i druge lakšeg stepena	-	-	+
15.	Urođena ili stečena ograničena pokretljivost (kontrakture u većim zglobovima), osteopatije i hondropatije koje oštećuju funkciju	-	-	*

### ***Tačka 11.***

<b>Urogenitalni sistem</b>		<b>A</b>	<b>B</b>	<b>C</b>
1.	Kalkuloza urinarnog sistema	-	-	+
2.	Kriptohizmus (jednostrano)	-	-	*
3.	Prirođene i stečene anomalije urogenitalnog sistema, bez poremećaja funkcije	-	-	+
4.	Upalna oboljenja uropoetskog sistema, sva hronična upalna oboljenja genitalnih organa( oba spola)	-	-	+

### ***Tačka 12.***

<b>Ginekologija</b>		<b>A</b>	<b>B</b>	<b>C</b>
1.	Benigne neoplazme genitalnog sistema (bez obzira na etiologiju)-ako izazivaju funkcionalne smetnje	-	-	+
2.	Hronična oboljenja dojki, mastopatije (ako izazivaju teškoće) i neoplazme dojke	-	-	+
3.	Sve akutne i hronične upale uterusa i adneksa koje prave veće tegobe i smetnje	-	-	+
4.	Sve maligne neoplazme genitalnih organa bez obzira na stadij	-	-	+

### ***Tačka 13.***

<b>Neurologija</b>		<b>A</b>	<b>B</b>	<b>C</b>
1.	Centralni (spastički), piradimalni, ekstrapiramidalni i cerebralni, periferni (mlohavi), kao i diseminirani sindrom-bez obzira na etiologiju	-	-	-
2.	Cerebralna i spinalna vaskularna oboljenja-incidenti, akutni ili preboljeli sa i bez ispada-bez obzira na etiologiju (vaskularne malformacije, krvarenja, embolija, ishemije, aneksije, venozne cerebralne tromboze velikih ekstrakranijalnih arterija na vratu)	-	-	*
3.	EEG promijenjen nalaz (disritmički, paroksizmalno ili fokalno)	-	-	*
4.	Encefalopatija (posttraumatska) i mijelopatija	-	-	-
5.	Epilepsija (verificirana) katepsija i narkolepsija	-	-	-
6.	Heredodegenarativna oboljenja živčanog i mišićnog sistema	-	-	-
7.	Luetična oboljenja CNS-a (lues cerebrovaskularni, tabes dorsalis, progresivna paraliza)	-	-	-
8.	Migrena	-	-	+
9.	Tumori perifernog i centralnog nervnog sistema	-	-	-
10.	Upalni intrakranijalni procesi sa posljedicama (meningoencefalitis, encefalitis, apces empijem)	-	-	-
11.	Ostale bolesti nervnog sistema koje oštećuju funkciju	-	-	-

### ***Tačka 14.***

<b>Psihijatrija</b>		<b>A</b>	<b>B</b>	<b>C</b>
1.	Bolesti ovisnosti, organski psihički poremećaji, alkoholizam	-	-	-
2.	Duševna zaostalost	-	-	-
3.	Emocionalna nezrelost	-	-	-
4.	Endogene ili funkcionalne psihoze ( manifestne ili u remisiji)	-	-	-
5.	Hronični moždani sindromi	-	-	-
6.	Neuroze sa jače izraženim smetnjama	-	-	*
7.	Paranoidna stanja	-	-	-
8.	Poremećaji ličnosti, border line struktura	-	-	-
9.	Reaktivna stanja (učestala)	-	-	*
10.	Seksualne devijacije	-	-	-
11.	Sklonost stanjima panike	-	-	-
12.	Patološka reakcija na stres	-	-	-
13.	Ostale psihičke bolesti i mentalna stanja koja trajno oštećuju funkciju	-	-	-

### **Tačka 15.**

<b>Psiholog-kriterij za psihološku obradu</b>		<b>A</b>	<b>B</b>	<b>C</b>
1.	Mehanički faktor (minimum 0 SD)	-	-	-
2.	Perceptivni faktor (minimum 0 SD)	-	-	-
3.	Okulomotorna koordinacija u skladu sa normama instrumenata	-	-	-
4.	Opšta intelektualna razvijenost mjerena testom koji obavezno ekplorira faktor logičkog rezonovanja, k specijalni, verbalni, perceptivni i numerički faktor (minimum 1 SD)	-	-	-
5.	Poremećaj ličnosti izvan kriterija normalne populacije upotrebljavaju se kao indikator za psihijatrijsku obradu	-	-	-

### **Tačka 16.**

<b>Novotvorevine</b>		<b>A</b>	<b>B</b>	<b>C</b>
1.	Zloćudne novotvorevine	-	-	-
2.	Dobročudne novotvorevine koje svojom lokalizacijom ne oštećuju funkciju	-	-	*
3.	Dobročudne koje svojom veličinom i lokalizacijom oštećuju funkciju	-	-	-
4.	Ostale novotvorevine koje svojom prognozom, veličinom i lokalizacijom oštećuju funkciju	-	-	-

PRILOG BR.2.

POTVRDA PORODIČNOG LJEKARA

Potvrđujem da \_\_\_\_\_ rođen/a \_\_\_\_\_  
(ime i prezime)

sa prebivalištem u \_\_\_\_\_

1. NE BOLUJE OD HRONIČNIH I PSIHIČKIH BOLESTI

2. IMA POTVRĐENE SLJEDEĆE HRONIČNE I PSIHIČKE BOLESTI:

\_\_\_\_\_  
\_\_\_\_\_  
\_\_\_\_\_

3. UZIMA POVREMENO ILI STALNO SLJEDEĆE LIJEKOVE:

\_\_\_\_\_  
\_\_\_\_\_  
\_\_\_\_\_

PUNA ADRESA ORDINACIJE I TELEFON:

\_\_\_\_\_  
\_\_\_\_\_  
\_\_\_\_\_  
\_\_\_\_\_

(žig i potpis doktora porodične medicine)

MP

\_\_\_\_\_  
(Naziv ustanove)  
Registarski broj: \_\_\_\_\_  
Mjesto i datum pregleda: \_\_\_\_\_

## IZVJEŠTAJ I OCJENA O ZDRAVSTVENOJ SPOSOBNOSTI POLICIJSKOG SLUŽBENIKA UPRAVE POLICIJE

\_\_\_\_\_, rođen/a \_\_\_\_\_ godine, s prebivalištem u \_\_\_\_\_  
(ime, ime oca, prezime)  
po zanimanju \_\_\_\_\_. Naziv osnovne organizacione jedinice \_\_\_\_\_ Naziv  
radnog mjesta \_\_\_\_\_ čin \_\_\_\_\_, KATEGORIJA B C

VRSTA PREGLEDA (zaokružiti):

1. Redovan sistematski pregled
2. Vanredni zdravstveni pregled.

DIJAGNOZA (šifrom MKB)	KRITERIJ IZ PRAVILNIKA

OCJENA (zaokružiti):

1. Sposoban za obavljanje poslova policijskog službenika
2. Privremeno nesposoban za obavljanje poslova policijskog službenika (potrebno dodatno liječenje i ocjena nakon završenog liječenja)
3. Nesposoban za obavljanje poslova policijskog službenika (uputiti na ocjenu invalidskoj komisiji)

NAPOMENA:

Dostaviti:

1. Pregledanoj osobi
2. Uprava policije
3. a/a

\_\_\_\_\_  
M.P.

\_\_\_\_\_  
POTPIS OVLAŠTENE OSOBE

PRILOG BR.4.

\_\_\_\_\_  
(Naziv ustanove)  
Registarski broj: \_\_\_\_\_  
Mjesto i datum pregleda: \_\_\_\_\_

**UVJERENJE**  
**O ZDRAVSTVENOJ SPOSOBNOSTI KANDIDATA ZA PRIJEM U UPRAVU POLICIJE**

**1. OPŠTI PODACI**

Prezime, očevo ime i ime \_\_\_\_\_  
Mjesto, općina i datum rođenja \_\_\_\_\_  
Općina/Grad i mjesto stanovanja, ulica i broj \_\_\_\_\_  
JMB \_\_\_\_\_  
Lična karta: registarski broj \_\_\_\_\_

**2. MEDICINSKI PODACI**

Na osnovu specijalističkih pregleda i nalaza utvrđena je:

I Opšta i posebna zdravstvena sposobnost \_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

**II Ocjena (zaokružiti):**

1. Sposoban za obavljanje poslova policijskog službenika
2. Nesposoban za obavljanje poslova policijskog službenika

**III MIŠLJENJE** \_\_\_\_\_  
\_\_\_\_\_  
\_\_\_\_\_

Dostaviti:

1. Uprava policije/Komisija za izbor
2. a/a

\_\_\_\_\_  
M.P.

\_\_\_\_\_  
POTPIS OVLAŠTENE OSOBE

\_\_\_\_\_  
(Naziv ustanove)  
Registarski broj: \_\_\_\_\_  
Mjesto i datum pregleda: \_\_\_\_\_

OCJENA/UVJERENJE KOMISIJE ZA RJEŠAVANJE PO PRIGOVORU KANDIDATA ZA  
PRIJEM U UPRAVU POLICIJE

\_\_\_\_\_ rođen/a \_\_\_\_\_ 202\_\_ godine, s prebivalištem u \_\_\_\_\_  
(ime, ime oca, prezime)  
po zanimanju \_\_\_\_\_.

DIJAGNOZA (šifrom MKB)	KRITERIJ IZ PRAVILNIKA

OCJENA (zaokružiti):

1. Sposoban za obavljanje poslova policijskog službenika
2. Nesposoban za obavljanje poslova policijskog službenika

NAPOMENA:

Dostaviti:

1. Uprava policije-Komisija za izbor
2. a/a

Članovi Komisije:

1. \_\_\_\_\_
2. \_\_\_\_\_
3. \_\_\_\_\_

M.P.